



Broj: 06-04-20-42-5/23  
Maglaj, 25.01.2023. godine

Na osnovu člana 24. stav (1) tačka c) i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 06-04-20-42-4/22 od 25.01.2023. godine, u postupku javne nabavke „Usluge objave u službenim glasilima“, Općinski načelnik donosi

**ODLUKU**  
**o izboru najpovoljnijeg ponuđača**  
**u pregovaračkom postupku bez objave obavještenja**

**I**

Prihvata se Preporuka Komisije za javne nabavke broj: 06-04-20-42-4/23 od 25.01.2023. godine i Okvirni sporazum za nabavku usluga objave u službenim glasilima dodjeljuje se kandidatu JP Novinsko-izdavačka organizacija „Službeni list Bosne i Hercegovine“, u skladu sa jediničnim cijenama navedenim u Ponudi broj 5-1-05-1-2212-23 od 20.01.2023. godine, a do maksimalnog iznosa od 10.256,00 KM bez PDV-a, odnosno 11.999,52 KM sa PDV-om.

**II**

Za realizaciju ove Odluke zadužuju se Služba Općinskog načelnika i Općinskog vijeća i Služba za privredu, finansije/financije i razvoj poduzetništva.

**III**

Ova Odluka ima se objaviti na internet stranici Općine Maglaj, u skladu sa članom 70. stav (6) Zakona o javnim nabavkama.

**O b r a z l o ž e n j e**

Odlukom o pokretanju postupka, broj 06-04-20-42/23 od 13.01.2023. godine, pokrenut je postupak nabavke „Usluge objave u službenim glasilima“, putem pregovaračkog postupka bez objave obavještenja o nabavci sa jednim kandidatom, u skladu sa odredbom člana 24. stav (1) tačka c) Zakona o javnim nabavkama.

Poziv za dostavu konačne ponude, broj 06-04-20-42-2/23 od 16.01.2023. godine, upućen je dana 19.01.2023. godine JP Novinsko-izdavačka organizacija „Službeni list Bosne i Hercegovine“, kao jedinom privrednom subjektu na tržištu koji nudi usluge koje su predmet nabavke. Informacija o provođenju pregovaračkog postupka bez objave obavještenja o nabavci objavljena je na portalu javnih nabavki, u skladu sa članom 28. stav (5) Zakona o javnim nabavkama.

Dana 25.01.2023. godine zaprimljena je ponuda JP Novinsko-izdavačka organizacija „Službeni list Bosne i Hercegovine“. Komisija za javne nabavke, imenovana Odlukom broj 05-45-1-1069/22 od 19.05.2022. godine, je na zatvorenoj sjednici izvršila otvaranje, pregled i

ocjenu pristigle ponude, prema zahtjevima i kriterijima iz tenderske dokumentacije, o čemu je sačinila odgovarajući Zapisnik, u skladu sa članom 65. stav (2) Zakona o javnim nabavkama i članom 20. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).

Komisija je utvrdila da zaprimljena ponuda ispunjava sve zahtjeve iz tenderske dokumentacije, kako u pogledu forme, načina i rokova dostavljanja, tako i u pogledu predmeta nabavke i uslova realizacije nabavke. Komisija je utvrdila da su u ponudi iskazane jednične cijene za različite vrste oglasa i različite formate objave, u skladu sa kojima će se realizovati okvirni sporazum i pojedinačni ugovori zaključeni na osnovu okvirnog sporazuma, kako je definisano tenderskom dokumentacijom.

U postupku donošenja ove Odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti kandidata, te ocjenu pristigle ponude, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, da je pozvani kandidat dostavio prihvatljivu ponudu, te da je postupak izbora u konkretnom slučaju izvršen u potpunosti u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 24. stav (1) tačka c) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa, Općine Maglaj, u roku od 10 (deset) dana od dana prijema Odluke.

**DOSTAVLJENO:**

1. Kandidat – putem maila,
2. Služba Općinskog načelnika i Općinskog vijeća,
3. Služba za privredu, finansije/financije i razvoj poduzetništva,
4. Internet stranica Općine Maglaj
5. a/a



**OPĆINSKI NAČELNIK**

Mirsad Mahmutagić